



UNIVERSITÄTS-
BIBLIOTHEK
PADERBORN

**Claudii Fleury, Presbyteri, Prioris Argenteliae Et Reg.
Christianiss. A Confessionibus Institutiones Juris
Ecclesiastici**

Fleury, Claude

Moguntiae, 1760

XXIII. De votis & de professione religiosa.

[urn:nbn:de:hbz:466:1-67899](#)

cuparunt, religiosi habentur, nec, si e societate excedunt, hereditates petere possunt. Præter tria vota ordinaria professi spondent Papæ *devotam obedientiam in omnibus*, quæ ad salutem animarum & ad fidem propagandam pertinent. Sed Papa non utitur jure suo, quod permittit *Jesuitarum generali*. Et isti quidem sunt illustriores religiosorum hominum ordines, qui ad quinque genera, *monachorum videlicet, canonicorum, equitum, mendicantium & clericorum regularium* reduci possunt.

1) *Constit. societ. Jes. part. 2. c. 1.*



C A P. XXIII. DE VOTIS ET DE PROFESSIONE RELIGIOSA.

I.

Religiosi
ad regu-
lam ad-
stringun-
tur voto.

HOMO religiosus nostro sensu est *Christianus*, solemnni voto ad consilia evangelica, moribus & vita, secundum regulam quamdam, in Ecclesia approbatam, exprimenda, obstrictus. Votum igitur solemne primario constituit *religiosum*. Est autem VOTUM promissio Deo facta de quovis bono opere, ad quod non tenebamur, veluti jejunio, eleemosyna, peregrinatione religionis causa suscipienda. Ad votum faciendum requiritur ætas matura, h. e. plena pubertas, libertas & facultas votum implendi¹. Sic uxor vovere non potest sine consensu mariti. Votum *simplex* est quod fit privatim sine solemnibus. Hoc quidem conscientiam æque obligat²; sed, si sine præ-

deliberatione emissum , si difficile impletu, remitti potest, alterumque bonum opus alteri substitui: & generatim quodlibet votum pleno jure redimitur *professione religiosa*. Simplicia vota regulariter remittit Episcopus.

1) c. 2. X. *de voto.* 2) c. 8. X. *de voto.*

II. Ad emittenda *vota solemnia* pro amplectenda vita religiosa a diversis diversi intra pubertatem primam & plenam anni requirantur. Concilium Tridentinum ¹ annos requirit XVI. & profesiones infra eam ætatem irritas declarat, ac præterea *unum* ad minimum *annum* initiandis dandum censet. Cunctum statutum Blesense *art. 28.* ac dispositio- nes de bonis intuitu professionis infra eam ætatem factas irritas habet. Professio autem <sup>quod e- mittunt
XVI an- nis majo- res,</sup> fieri debet *solemniter* i. e. initiandus publice <sup>Solemni
ritu.</sup> viva voce formulam voti recitat, & in scriptis manu sua signatam tradit, quæ probationis caussa in scriniis reponitur ². Abolitæ enim sunt profesiones tacitæ vel *præsumptæ*, quibus, qui ultra annum habitu religiosorum in monasterio commorati fuerant, pro professis sunt habitæ ³. Quare post noviciatum absolutum candidatus, si non admittitur ad professio nem, dimittendus est ⁴.

1) *seff. 25. refor. c. 15.* 2) *Molin. refl. 55.*
3) *c. 22. X. de regularib.* 4) *Conc. Trid. ib. c. 16.*

III. CREBRO atque iterato prohibitum <sup>fine pre-
tio,</sup> est, ne nummis divendatur aditus ad vitam reli giosam, quod *simoniam* sapit ¹. Professio reli giosa merum spectum est, si non ad divina

& æterna dirigitur. Semper tamen venientibus permisum fuit, bona sua vel bonorum partem vel secum afferre, vel a parentibus accipere². Præterea si monasterium alendis pluribus hominibus non sufficit, nemo bonus propterea repudiari debet, ne qua recipiatur pecunia. Superiorum igitur conscientiæ totum hoc negotium permittendum, qui gravem Numinis offensionem incurrint, si *spe lucri* indignum hominem recipiunt. Ex instituto Caroli Boromei³ Episcopus arbitretur, quid dandum sit, prout necessarium id esse videt. Professio autem involvit inter religiosum & cōventum obligationem reciprocā, ut nec ipse monasterium relinquere, nec monasterium eum ejicere, quocumque obtentu, possit, ne ad incitas redigatur, suæque familiæ onerosus fiat.

1) c. 40. X. de Simon. c. 64. q. 1. c. 2. § 3.

2) THOMASS. part. 4. l. 3. c. 14. § 15. S.
Thom. 2. q. 100. a 3. ad 4.

3) Concil. Mediol. II. de monial. c. 2.

Ordinem
eum or-
dine per-
mutare
non licet,
nisi du-
tiorem
ample-
ctaris,

IV. RELIGIOSORUM est perseverare in vocatione sua. Veterum præcepto nec monachis, nec canonicis regularibus de monasterio in monasterium migrare permisum¹. A quo instituto licet mendicantes aliqui recentiores ordines recesserint, semper tamen in congregationibus suorum ordinum permanent. In universum autem prohibitum est, ne quis ex altero ad alterum ordinem transfugiat². Excipiuntur tamen, qui virtutis amore ad ordinem austriorem adspirant, licet superioris veniam, quam tamen expetere de-

çet, non impetraverint³. Mendicantes tam
men, nisi cum pontificis venia, in alium,
quam Carthusianorum ordinem, se recipere
nequeunt. Interim hæc exceptio licentiæ an-
sam dedit, & successioni ab institutis veterum
monachorum Benedictinorum & Cluniacen-
sium. Nam religiosi strictioris observantiaæ,
nec tamen rigidissimæ, si propriæ conscientiæ
stimulis non retinentur, impediri nequeunt,
quo minus posterioribus, utut manifeste re-
missionibus, adgregentur. Quod sæpe fit obti-
nendorum beneficiorum regularium caussa, vel
ut errantibus claustra & obedientiam evitare
liceat contra disertam prohibitionem⁴.

1) c. 5. X. Regular. 2) Concil. Trid. sess. 25. c. 19.

3) c. 18. X de regular. Extravag. comm. eod. c. 1.

4) Concil. Trid. sess. 4. c. 11.

V. NONNUMQUAM contingit, ut quoniam
religiosus impugnet vota sua ex vitio vel nulli-
tatis vel extorsionis. Sed post lapsum V. anno-
rum audiendus non est. Neque auditur intra
quinquennium, si habitum mutavit, aut pro-
prio motu monasterio excessit, quo casu *apo-*
stata habendus est¹. Episcopus ergo adeun-
dus est, qui post causam cognitam contra vo-
ta eum restituit in integrum. Qua de causa
sæpe impetrantur literæ pontificis, quibus ni-
hil opus est. Causæ restitutionis sunt vis aut
metus, qui hominem constantem vincere potest,
isque argumentis evidenter probandus².

1) Conc. Trid. sess. 20. ref. c. 19. 2) C. 20. q. 1. c. 8.

VI. QUI vota violent & ad sæculum Quid de
redeunt, *apostatae* appellantur & *transfugaæ*: nec transfu-
gis & a-
I 3 postatis?

tamen a superioribus, quibus cura animarum commissa, derelinquendi, sed omnibus modis reducendi & post actam pœnitentiam restituendi. Quia in re auxilio *judicium sacerdotalium* opus est, qui hos homines intercipere & superioribus tradere tenentur. Nec religionis solum causa, sed & publice interest, ne tolerentur isti trans fugæ, ad omne facinus prompti & parati.



C A P. XXIV.
DE PAUPERTATE CETERISQUE
REGULARIUM VOTIS.

I.

Vota sunt **R**E LIGIOSORUM vota sunt *paupertatis*,
castitatis & *obedientiae*. Voto paupertatis
rebus externis, castitatis voluptati, obedientiæ suonet ingenio nuntium mittunt: quibus
tribus perfectionis Christianæ ambitus *continetur*.

I. Obe-
dieutia, **I.** OBEDIENTIA complectitur reliqua omnia. Ex regula Benedicti c. 58. monachi non nisi perseverantiam in monasterio duce superiore spondent. Obedientia consistit in perfecta sectatione præceptorum divinorum, & regulæ, quæ a religioso pro voluntate Dei est habenda, nec non omnium mandatorum superioris, nisi quid imperet, legi divinæ regulæque manifeste contrarium¹. Genuinus religiosus sponte quoque fratribus obtemperat, nec suæ voluntati indulget, nec sensu abundat; sed sinceram animi demissionem